



Bosna i Hercegovina
Federacija Bosne i Hercegovine
Hercegovačko – neretvanski kanton
Općina Konjic
NAČELNIK



Broj: OP-26-750/17
Konjic, 20.03. .03.2017. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06 i 51/09), člana 38. Statuta Općine Konjic („Službeni glasnik Općine Konjic“ broj 4/11 i 6/11) i Pravilnika o kriterijima i načinu ostvarivanja sredstava iz budžeta Općine Konjic za povećanje i razvoj poljoprivredne proizvodnje (Službeni glasnik Općine Konjic broj 6/16), općinski načelnik r a s p i s u j e

JAVNI POZIV

za dodjelu sredstava za podsticaj u poljoprivrednoj proizvodnji

I VRSTE SREDSTAVA

Ovim Javnim pozivom će se sufinansirati slijedeće aktivnosti u poljoprivrednoj proizvodnji:

- A) – Stvaranje uslova i provođenje aktivnosti u svrhu unapređenja poljoprivredne proizvodnje (izrada pristupnih puteva za imanja, izrada vodovoda i drugih objekata od zajedničkog interesa),
- B) – Izgradnja plastenika i staklenika,
- C) – Izgradnja sistema za navodnjavanje “kap po kap”,
- D) – Nabavka poljoprivredne mehanizacije i opreme,
- E) – Program preventivnih mjera zaštite u biljnoj i animalnoj proizvodnji,
- F) – Organska proizvodnja.

II PRAVO UČEŠĆA

Pravo na učešće na Javnom pozivu imaju sva porodična poljoprivredna gazdinstva i fizička lica – obrtnici, sa područja Općine Konjic, upisana u Registar poljoprivrednih gazdinstava i registar klijenata (RPG i RK) i koja ostvaruju poljoprivrednu proizvodnju na području općine Konjic, zatim poljoprivrednici, članovi jednog od Udruženja Saveza poljoprivrednih udruženja Konjic i koji blagovremeno podnesu zahtjev za podsticaj sa potrebnom dokumentacijom i ispune sve propisane uslove.

III OSNOVNI KRITERIJI

Podnosioci zahtjeva treba da ispunjavaju slijedeće uslove:

1. Zahtjev mora biti potpun u cjelosti, u slučaju podnošenja zahtjeva sa nepotpunim informacijama, isti neće biti uzet u razmatranje prilikom odabira korisnika,
2. Podnosilac zahtjeva mora biti stanovnik općine Konjic i obavljati svoju poljoprivrednu proizvodnju na području općine Konjic,
3. Poljoprivredno gazdinstvo mora biti upisano u Registar poljoprivrednih gazdinstava i klijenata u Općini i mora biti izvršeno ažuriranje podataka za 2017. godinu,
4. Podnosilac zahtjeva mora biti član nekog od Udruženja Saveza poljoprivrednih udruženja Konjic – prednost imaju poljoprivrednici koji su dvije i više godina članovi nekog od Udruženja,
5. Da je podnosilac zahtjeva ili član uže porodice vlasnik ili posjednik poljoprivrednog zemljišta,
6. Da je podnosilac zahtjeva saglasan da finansira procentualni iznos naznačen po stavkama Javnog poziva za koji aplicira,
7. Podnosilac zahtjeva mora ispuniti sve propisane uslove po Javnom pozivu po određenim stavkama.

IV POTREBNA DOKUMENTACIJA

1. Obrazac za prijavu na Javni poziv,
2. CIPS prijava podnosioca zahtjeva – original ili ovjerena kopija,
3. Kopija lične karte,
4. Ovjerena kućna lista,
5. Lista stoke i/ili korištenja,
6. Ovjerena izjava da će korisnik zadržati u vlasništvu, najmanje 3 godine od dana potpisivanja Ugovora, opremu koja mu se dodjeli (plastenik/staklenik/ poljoprivrednu mehanizaciju i opremu, sistem „kap po kap“),
7. Ovjerena izjava da će korisnik finansirati procentualni iznos naznačen po stavkama Javnog poziva za koji aplicira,
8. Za obrtnike – kopija rješenja o registraciji,
9. Potvrda o članstvu u nekom od Udruženja Saveza poljoprivrednih udruženja Konjic.

V SISTEM BODOVANJA ZA DODATNE KRITERIJE

Br.	Dodatni kriterij	Indikator
1.	Broj članova domaćinstva	<input type="checkbox"/> Jedan član domaćinstva = 1 bod
2.	Podnositelj ima registrovanu djelatnost	<input type="checkbox"/> DA, registrovana djelatnost = 3 boda <input type="checkbox"/> NE, nije registrovana djelatnost = 0 bodova
3.	Član nekog od Udruženja Saveza	<input type="checkbox"/> Članstvo u 2017. godini = 1 bod <input type="checkbox"/> Članstvo od 1 – 2 godine = 2 boda <input type="checkbox"/> Članstvo od 2 – 3 godine = 3 boda <input type="checkbox"/> Članstvo od 3 – 5 godina = 4 boda <input type="checkbox"/> Članstvo 5 i više godina = 5 bodova
4.	Površina pod nasadom jagodičastog voća	<input type="checkbox"/> 1 dulum = 1 bod <input type="checkbox"/> 2 duluma = 2 boda <input type="checkbox"/> 3 duluma i više = 3 boda

VI POSEBNI KRITERIJI ZA OSTVARIVANJE PRAVA NA SREDSTVA PO AKTIVNOSTIMA

A) Stvaranje uslova i provođenje aktivnosti u svrhu unapređenja poljoprivredne proizvodnje (izrada pristupnih puteva za imanja, izrada vodovoda i drugih objekata od zajedničkog interesa)

Pravo na dobivanje ove vrste podsticajnih sredstava (sufinansiranje) u skladu sa Pravilnikom mogu ostvariti slijedeći korisnici:

1. Porodična poljoprivredna gazdinstva i fizička lica – obrtnici sa područja općine Konjic, upisani u Registar poljoprivrednih gazdinstava i registar klijenata (RPG i RK), koja ostvaruju poljoprivrednu proizvodnju na području općine Konjic, grupa poljoprivrednih proizvođača, Mjesna zajednica, te Udruženje koje se bavi poljoprivrednom proizvodnjom.
2. Koji podnesu zahtjev putem MZ za sufinansiranje aktivnosti za koju se traži podsticaj sa potrebnom dokumentacijom i ispune sve propisane uslove.

Visina podsticaja po ovoj tački može biti 50 %, a maksimalno do 5.000,00 KM, a može biti i manja, zavisno od broja odobrenih zahtjeva. Plaćati će se isključivo vrijednost materijala, a troškove radova će snositi korisnici odobrenih sredstava.

Uz zahtjev za podsticaj, podnositelj zahtjeva će dostaviti slijedeću dokumentaciju:

- Obrazac za prijavu na Javni poziv
- skicu poljoprivrednog zemljišta ili skicu puta za koji se traži novčana podrška,
- za pojedince i udruženja (ukoliko se radi o pojedincima), potrebno je da se dostavi i lista korištenja i/ili stoke iz RPG i RK,
- plan aktivnosti za projekat za koji se traži podsticaj,
- potvrda o članstvu u nekom od Udruženja Saveza,
- izjava o zajedničkom domaćinstvu.

B) Izgradna plastenika i staklenika

Pravo na sredstva za sufinansiranje (30 %, a maksimalno do 2.000,00 KM) nabavke staklenika i plastenika imaju poljoprivredni proizvođači, koji vrše nabavku staklenika i plastenika, minimalne površine 100 m² i zahtjevu prilože:

1. Obrazac za prijavu na Javni poziv,
2. CIPS prijavnica podnosioca zahtjeva – original ili ovjerena kopija,
3. kopija lične karte,
4. ovjerena kućna lista,
5. ovjerena izjava da će korisnik podsticaja dobiveni platenik/staklenik zadržati u vlasništvu najmanje 3 godine od potpisivanja Ugovora,
6. ovjerena izjava da će korisnik, u skladu sa Pravilnikom, finansirati određeni procenat nabavne cijene plastenika/staklenika,
7. Lista korištenja izdata u 2017. godini,
8. Potvrda o članstvu u nekom od udruženja Saveza poljoprivrednih udruženja Konjic.

C) Izgradnja sistema za navodnjavanje “kap po kap”

Pravo na sredstva za sufinansiranje, (50%), nabavke sistema za navodnjavanje imaju poljoprivredni proizvođači, vlasnici voćnjaka, na minimalnoj površini od 0,1 ha, i koji zahtjevu prilože:

1. Obrazac za prijavu na Javni poziv,
2. CIPS prijavnica podnosioca zahtjeva – original ili ovjerena kopija,
3. kopija lične karte,
4. ovjerena kućna lista,
5. ovjerena izjava da će korisnik podsticaja dobiveni sistem „kap po kap“ zadržati u vlasništvu najmanje 3 godine od potpisivanja Ugovora,
6. ovjerena izjava da će finansirati 50% od nabavne cijene sistema za navodnjavanje „kap po kap“ na minimalnoj površini od 0,1 ha,
7. Lista korištenja izdate u 2017. godini,
8. Potvrda o članstvu u nekom od Udruženja Saveza poljoprivrednih udruženja Konjic.

D) Nabavka poljoprivredne mehanizacije i opreme za razvoj poljoprivredne proizvodnje

Pravo na sredstva za sufinansiranje (30% maksimalno do 3.000,00 KM) nabavke poljoprivredne mehanizacije i opreme u biljnoj i animalnoj proizvodnji imaju poljoprivredni proizvođači:

- koji su na površini najmanje 0,2 ha zasijali povrće ili ljekobilje;
- koji su vlasnici ili članovi domaćinstva vlasnika voćnjaka s nasadom najmanje od 0,2 ha jagodičastog voća, da proizvede i OPZ Konjic kao registrovanom otkupljivaču preda najmanje 1 tonu jagodičastog voća;
- koji su vlasnici voćnjaka s nasadom najmanje 0,5 ha ostalog voća (šljiva, jabuka, kruška), te da su provedene predviđene agrotehničke mjere (pravilna obrada zemljišta, obezbijedena voda – sistem “kap po kap”, pravilna primjena organskih i mineralnih đubriva kao i ostale mjere koje doprinose boljoj plodnosti zemljišta - (utvrđuje komisija),
- koji u vlasništvu ima najmanje 50 ovaca ili 25 koza, odnosno 5 krava ili 5 junadi za tov,
- koji su vlasnici pčelinjaka sa najmanje 20 proizvodnih pčelinjih društava

i zahtjevu prilože:

1. Obrazac za prijavu na Javni poziv,
2. CIPS prijavnica podnosioca zahtjeva – original ili ovjerena kopija,
3. kopija lične karte,
4. ovjerena kućna lista,
5. ovjerena izjava da će korisnik podsticaja dobivenu poljoprivrednu mehanizaciju i opremu zadržati u vlasništvu najmanje 3 godine od potpisivanja Ugovora,
6. ovjerena izjava da će korisnik, u skladu sa Pravilnikom, finansirati određeni procenat nabavne cijene poljoprivredne opreme i mehanizacije,
7. Lista stoke i/ili korištenja izdate u 2017. godini,
8. Potvrda o članstvu u nekom od Udruženja Saveza poljoprivrednih udruženja Konjic.

E) Program preventivnih mjera zaštite u biljnoj i animalnoj proizvodnji

Pravo na sredstva za sufinansiranje (50%) laboratorijske analize tla, nabavke sredstava preventivne zaštite u biljnoj i animalnoj proizvodnji imaju poljoprivredni proizvođači i Udruženja građana članica Saveza poljoprivrednih udruženja Konjic, koji uz zahtjevu prilože:

- izjavu o zajedničkom domaćinstvu, ako podnosilac zahtjeva nije nosilac gazdinstva,
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza

Dokumentacija se dostavlja Savezu poljoprivrednih društva Konjic, nakon čega će Savez poljoprivrednih udruženja Konjic sačiniti spisak članova koji su zainteresovani za nabavku sredstava preventivne zaštite u biljnoj i animalnoj proizvodnji te aplicirati na Javni poziv u Općini Konjic.

F) Organska proizvodnja

Pravo na sredstva za sufinansiranje (50%) u organskoj proizvodnji imaju poljoprivredni proizvođači koji prijave certifikaciju organske proizvodnje i koji zahtjevu prilože:

- CIPS
- izjavu o zajedničkom domaćinstvu, ako podnosilac zahtjeva nije nosilac gazdinstva,
- dokaz o certifikaciji organske proizvodnje,
- listu korištenja i/ili stoke iz RPG i RK,
- potvrdu o članstvu u nekom od Udruženja Saveza.

VII

NAČIN OSTVARIVANJA PRAVA NA SREDSTVA

- Novčana sredstva će se dijeliti sukcesivno dio po dio, po tačkama i po prioritetima i kapacitetu.
- Sredstva se dodjeljuju jednokratno, po javnom pozivu i samo po jednom osnovu godišnje.
- Prijedlog prioriteta i raspodjele određuje komisija za dodjelu sredstava formirana od strane načelnika. Komisija broji 6 (šest) članova od kojih su tri člana ispred Općine i tri predstavnika Saveza poljoprivrednih udruženja Konjic. Predsjednik Komisije je ispred Općine Konjic.

- Zahtjevi za dodjelu sredstava, a po javnom pozivu, podnose se Općinskoj službi za privredu, finansije i društvene djelatnosti na originalnom obrascu koji se preuzima na info – pultu Općine. Uz zahtjev se obavezno prilaže sva potrebna dokumentacija.
- Sve vrste sredstava se ostvaruju u dogovoru sa komisijom, a po prethodnom urađenom nedostajućem dijelu sredstava od strane vlasnika, koja je dužna na licu mjesta utvrditi činjenično stanje i zapisnički konstatovati.
- Finansiranje mjera – aktivnosti će se vršiti putem Saveza.
- Sredstva za sufinansiranje ostvaruju se nakon uplate sredstava od strane podnosioca zahtjeva u dogovoru sa komisijom, a po prethodno pribavljenoj ponudi o cijeni nabavke opreme
- Na osnovu prijedloga komisije za kandidate koji ispunjavaju uslove Načelnik Općine Konjic će potpisati ugovor o ostvarivanju prava na sredstva.
- Korisnici sredstava su dužni sačiniti izvještaj o utrošenim sredstvima u roku od 15 dana od utroška i dostaviti ga komisiji.
- Komisija je dužna u roku od 30 dana izvršiti kontrolu utroška dodjeljenih sredstava i pismeno izvijestiti Službu za privredu, finansije i društvene djelatnosti.
- Ukoliko sredstva ne budu namjenski iskorištena, korisnik je odgovoran materijalno i krivično, što će biti regulisano ugovorom.
- Sredstva će se dijeliti do iznosa predviđenog u budžetu za tekuću godinu.

Obrasci zahtjeva za prijavu mogu se preuzeti na info pultu Općine Konjic i zajedno sa dokumentacijom predati u zatvorenoj koverti na protokol Općine Konjic sa naznakom „Za Javni poziv za dodjelu sredstava za podsticaj u poljoprivrednoj proizvodnji – stavka A, B C, D, E ili F“, a rok za podnošenje zahtjeva je 15 dana, od dana objavljivanja Javnog poziva u sredstvima javnog informisanja općine Konjic (RTV Konjic), web stranici Općine Konjic www.konjic.ba, te na oglasnoj ploči Općine Konjic.


Sve dodatne informacije mogu se dobiti u Službi za privredu, finansije i društvene djelatnosti Općine Konjic, ili na broj telefona 036/712-236 svakim radnim danom od 08:00-16:00, kao i u prostorijama, na web stranici i Oglasnoj ploči Saveza poljoprivrednih udruženja Konjic ili na broj 036/735-041.

Javni poziv ostaje otvoren 15 dana od dana objavljivanja (do 03.04.2017. godine) do 16:00 sati.

Nepotpune i neblagovremene prijave se neće uzeti u razmatranje.

DOSTAVITI:

1. Savez poljoprivrednih udruženja Konjic
2. Oglasna tabla Općine Konjic
3. Web stranica Općine Konjic
4. Načelnik
5. Služba x 2
6. A/a



Maršala Tita br.62

Telefon: +387 (0)36 712 200

88400 Konjic

Fax: +387 (0)36 729 813

PB: 07140955

Bosna i Hercegovina

E-mail: opcina.konjic@konjic.ba

ID: 4227204140005

Web: <http://www.konjic.ba>